

Dua beranak ditahan miliki 3.6kg syabu

21/12/2011

Oleh AHMAD SYAKIR SAZILI
syakir.sazili@kosmo.com.my

IPOH – Polis yakin telah menumpaskan satu sindiket pengedaran syabu dengan kejayaan merampas sebanyak 3.64 kilogram (kg) dadah itu dalam serbuan di sebuah rumah di Kampung Baru Ampang di sini Khamis lalu.

Syabu yang sudah siap diproses itu ditemui dalam beberapa bungkusan besar yang dibalut dengan kertas dan disorokkan di dalam rumah yang didiami seorang lelaki dan ibunya yang berusia 73 tahun.

Ekoran itu, lelaki berumur 43 tahun itu serta ibunya telah diberkas dan hasil pemeriksaan lanjut, polis merampas wang tunai termasuk simpanan bank suspek yang berjumlah RM205,000.